



**Broj/Број:02 –50 –1-51-49/'05
Sarajevo/Сарајево, 8.11.2005.**

**ZAPISNIK
49. sjednice Doma naroda
Parlamentarne skupštine Bosne i Hercegovine,
održane 31. oktobra 2005.**

Sjednica je počela u 11,10 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 13 delegata.

Delegati Đoko Pajić i Hasan Čengić opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj su učestvovali Ilija Filipović i Anto Spajić usvojen je sljedeći dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje zapisnika 47. i 48. sjednice Doma naroda;
3. Potvrđivanje Odluke Predsjedništva BiH o utvrđivanju kandidata za generalski položaj u Vojsci Republike Srpske;
4. Izvještaj Komisije Kolegija Doma naroda o nastojanju za postizanje saglasnosti o Prijedlogu zaključka delegata Hasana Čengića a u vezi sa Prijedlogom zakona o odbrani Bosne i Hercegovine;
5. Zahtjev Vijeća ministara BiH za razmatranje Prijedloga zakona Bosne i Hercegovine o pomilovanju po hitnom postupku, u skladu sa članom 99. Poslovnika Doma naroda;
6. Zahtjev Vijeća ministara BiH za razmatranje Prijedloga zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njihovom uništavanju po hitnom postupku, u skladu sa članom 99. Poslovnika Doma naroda;
7. Zahtjev Vijeća ministara BiH za razmatranje Prijedloga zakona o Upravi za indirektno oporezivanje po hitnom postupku, u skladu sa članom 99. Poslovnika Doma naroda;
8. Prijedlog zakona o Javnom radiotelevizijskom servisu Bosne i Hercegovine;
9. Prijedlog zakona o osnovama sigurnosti saobraćaja na putevima u BiH (prvo čitanje);
10. Prijedlog zakona o dopunama Izbornog zakona BiH (prvo čitanje);
11. Prijedlog odluke o izmjenama i dopunama Odluke o utvrđivanju kompleksa zgrada i zemljišta za smještaj institucija BiH, o njihovom statusu, uslovima i načinu korištenja;

12. Davanje saglasnosti za ratifikaciju Sporazuma o saradnji u oblasti odbrane između Vijeća ministara Bosne i Hercegovine i Vijeća ministara Srbije i Crne Gore;
13. Davanje saglasnosti za ratifikaciju Sporazuma između Bosne i Hercegovine i Republike Bjelorusije o unapređenju i zaštiti investicija;
14. Davanje saglasnosti za ratifikaciju Trgovinskog sporazuma Bosne i Hercegovine i Republike Bjelorusije;
15. Davanje saglasnosti za ratifikaciju Sporazuma između Bosne i Hercegovine i Kraljevine Španije o recipročnom ukidanju viza za nosioce diplomatskih i službenih pasoša;
16. Davanje saglasnosti za ratifikaciju Sporazuma o grantu zakladnog fonda (Projekat zaštite kvaliteta vode) između Bosne i Hercegovine i Međunarodne banke za obnovu i razvoj.

Ad-1. Odgovori na delegatska pitanja i delegatska pitanja

Odgovor na delegatsko pitanje dobio je Velimir Jukić.

Delegat se izjasnio da odgovor nije kompletan.

Delegat Ilija Filipović je postavio sljedeća pitanja Vijeću ministara:

Gdje su u procesu dogovaranja oko imena glavnog pregovarača kada se pristupi Sporazumu o stabilizaciji i pridruživanju, parlamentarna tijela Parlamentarne skupštine Bosne i Hercegovine, dvije komisije za vanjske poslove Predstavničkog doma i Doma naroda, Zajednička komisija za evropske integracije, Direkcija za evropske integracije kao i Predsjedništvo BiH koje je zaduženo za poslove vanjske politike?

Delegat Tomislav Limov je postavio sljedeća pitanja Vijeću ministara BiH:

1. Šta je do sada konkretno učinjeno u provedbi opredljenja da Sarajevo bude centar za borbu protiv korupcije u jugoistočnoj Europi?
2. Koje su aktivnosti provedene u procesu izgradnje Sarajeva kao regionalnog centra za borbu protiv korupcije?
3. Ima li i koliko profesionalno angažiranih stručnjaka iz naše zemlje i iz država jugoistočne Europe u Sarajevskom centru za borbu protiv korupcije?
4. Ima li Bosna i Hercegovina trenutno angažiranog svog časnika za vezu u SECU centru u Bukureštu i u čemu se sve ogledaju učinci njegovog angažmana u razdoblju od 2001.godine do danas?

Delegat Halid Genjac je postavio sljedeće pitanje Vijeću ministara BiH i Predsjedništvu BiH:

1. Šta je sa Komisijom za ustanovljavanje imovine Bosne i Hercegovine, odnosno dokle je Komisija došla sa svojim radom i koje su joj dalje perspektive?
2. Kada će Predsjedništvo BiH dostaviti na davanje saglasnosti Parlamentarnoj skupštini BiH sporazum o mirovnim misijama širom svijeta?
3. Kada će Predsjedništvo BiH dostaviti izvještaj o mirovnim misijama koje su upućene iz Bosne i Hercegovine?

Delegat Osman Brka urgirao je da dobije odgovor na sljedeće pitanje:

Šta je Državna granična služba preduzela u posljednjih pet godina da preko 400.ilegalnih graničnih prelaza stave pod kontrolu?

Dom naroda jednoglasno je usvojio inicijativu delegata Halida Genjca da se preduzmu sve aktivnosti kako bi se novi Poslovnik Doma naroda usvojio do kraja ove godine.

Ad-2. Usvajanje zapisnik 47. i 48. sjednice Doma naroda

Zapisnici 47. i 48. sjednice Doma naroda jednoglasno su usvojeni.

Ad-3. Potvrđivanje Odluke Predsjedništva BiH o utvrđivanju kandidata za generalski položaj u Vojski Republike Srpske;

U raspravi su učestvovali: Tomislav Limov, Hilmo Neimarlija, Halid Genjac, Goran Milojević i Ilija Filipović.

Dom naroda potvrdio je Odluku Predsjedništva BiH o utvrđivanju kandidata za generalsku poziciju u Vojski Republike Srpske, kojom je pukovnik Dragan Vuković utvrđen kao kandidat za načelnika Generalštaba Vojske Republike Srpske.

Ad-4. Izvještaj Komisije Kolegija Doma naroda o nastojanju za postizanje saglasnosti o Prijedlogu zaključka delegata Hasana Čengića a u vezi sa Prijedlogom zakona o odbrani Bosne i Hercegovine;

Rasprava o ovoj tački dnevnog reda nije vođena.

Dom naroda nije usvojio Prijedlog zaključka delegata Hasana Čengića.

Ad-5. Zahtjev Vijeća ministara BiH za razmatranje Prijedloga zakona Bosne i Hercegovine o pomilovanju po hitnom postupku u skladu sa članom 99. Poslovnika Doma naroda;

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona Bosne i Hercegovine o pomilovanju po hitnom postupku, u skladu s članom 99. Poslovnika Doma naroda.

Ad-6. Zahtjev Vijeća ministara BiH za razmatranje Prijedloga zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njihovom uništavanju po hitnom postupku, u skladu sa članom 99. Poslovnika Doma naroda;

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njihovom uništavanju po hitnom postupku, u skladu s članom 99. Poslovnika Doma naroda.

Ad-7. Zahtjev Vijeća ministara BiH za razmatranje Prijedloga zakona o Upravi za indirektno oporezivanje po hitnom postupku, u skladu sa članom 99. Poslovnika Doma naroda;

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o Upravi za indirektno oporezivanje po hitnom postupku, u skladu s članom 99. Poslovnika Doma naroda.

Ad-8. Prijedlog zakona o Javnom radiotelevizijskom servisu Bosne i Hercegovine;

U raspravi su učestvovali: Velimir Jukić, Tomisla Limov, Ilija Filipović i Anto Spajić.

Dom naroda je većinom glasova u drugom čitanju usvojio Prijedlog zakona o Javnom radiotelevizijskom servisu Bosne i Hercegovine sa sljedećim amadmanima:

AMANDMAN I

Član 4. Prijedloga zakona mijenja se i glasi:

"(1) naziv javnog preduzeća je: Radio televizija Bosne i Hercegovine.

(2) Skraćeni naziv Radio televizije Bosne i Hercegovine je BHRT.

(3) Nazivi javnog preduzeća BHRT i javnog RTV sistema JRTS BiH moraju se istaknuti na zgradi u kojoj je sjedište BHRT, napisani na jezicima u službenoj upotrebi u Bosni i Hercegovini, latinicom i ćirilicom."

AMANDMAN II

U članu 7. prijedloga zakona u stavu (1):

Tačka e) mijenja se i glasi: "vršenje istraživanja javnog mnijenja, marketinške usluge i usluge oglašavanja;"

U tački c) stava (2) člana 7. riječi "RTV servisima" zamjenjuju se tekstem: "radio televizijskim agencijama i producentima programa."

AMANDMAN III

U članu 8. dodaje se novi stav 2. koji glasi: "Programi će biti prilagođeni potrebama konstitutivnih naroda i građana BiH, uređivan i emitovan ravnopravno na tri službena jezika i dva pisma."

AMANDMAN IV

U članu 10. Prijedloga zakona poslije stava (2) dodaje se novi stav (3) koji glasi:

"BHRT će uložiti sve napore da stekne ekskluzivna prava na sve važne događaje, kako su definirani i pobrojani u stavu (2) ovog člana."

AMANDMAN V

U članu 14. Prijedloga zakona riječi "BHRT i" na početku teksta brišu se. Ostatak teksta ostaje nepromijenjen.

AMANDMAN VI

U članu 15. Prijedloga zakona stavovi (2), (3) i (4) mijenjaju se i glase:

Stav (2): "BHRT ima sva prava i na novo intelektualno vlasništvo koje BHRT doda u svoj arhiv."

Stav (3): "Drugi javni RTV servisi imaju pristup arhivskoj građi BHRT i obrnuto."

Stav (4): "korporacija rukovodi postupkom čuvanja, obrade i korištenja arhivske građe u skladu sa važećim zakonima i ugovor o upravljanju zaključuje se između BHRT i Korporacije."

AMANDMAN VII

U članu 19. Prijedloga zakona u stavu (2) na početku teksta riječi "BHRT i" brišu se. Ostatak teksta ostaje nepromijenjen.

AMANDMAN VIII

U članu 20. Prijedloga zakona u stavu (2) riječi "iznajmljivanje prostora i opreme" brišu se.

AMANDMAN IX

U članu 21. Prijedloga zakona podnaslov "Odlučivanje o finansijskom rezultatu" zamjenjuje se podnaslovom "Odgovornost za finansiranje".

Stav (3) člana 21. mijenja se i glasi: "U svakoj finansijskoj godini BHRT mora osigurati da su njegovi ukupni rashodi pokriveni njegovim ukupnim prihodima."

AMANDMAN X

Član 22. mijenja se i glasi:

Revizija će se vršiti u skladu sa metodologijom i pod nadzorom koje odredi Ured za reviziju nadležnih državnih institucija Bosne i Hercegovine, Federacije BiH i Republike Srpske. Koordinirajući odbor Ureda za reviziju institucija će usaglasiti metodologiju i način nadzora nad nezavisnom revizijom.

AMANDMAN XI

U članu 23. Prijedloga zakona u stavu (1) tačka b) mijenja se i glasi: "Poslovodni odbor".

U istom članu iza stava (1) dodaje se novi stav (2) koji glasi: "Radom BHRT-a rukovodi Poslovodni odbor, koji čine generalni direktor i rukovodioci sektora BHRT-a".

Sadašnji stav (2) postaje stav (3).

AMANDMAN XII

U članu 26. (1), (3) i (4):

umjesto riječi : "Predstavničko vijeće Parlamenta Bosne i Hercegovine" treba: "Parlamentarna skupština Bosne i Hercegovine."

U članu 26. (1) posljednju rečenicu:

" U slučaju da Predstavničko vijeće parlamenta BiH ne donese odluku u utvrđenom roku, aktuelni Upravni odbor vrši izbor i imenovanje novog Upravnog odbora na osnovu rang- liste kandidata koji su ušli u uži izbor." - brisati.

AMANDMAN XIII

Član 28. Prijedloga zakona mijenja se i glasi: "Članovi Upravnog odbora imaju obavezu najmanje 5 (pet) dana u mjesecu raditi u Upravnom odboru i za svoj rad imaju pravo na naknadu u iznosu od 3 minimalne plaće u entitetu iz kojeg dolaze, kao i naknadu razumnih putnih i materijalnih troškova u skladu sa važećim aktima BHRT-a".

AMANDMAN XIV

U članu 29. Prijedloga zakona tačka f) mijenja se i glasi: "usvaja programske planove za radio i televiziju".

AMANDMAN XV

U članu 35. Prijedloga zakona u stavu (1) prva rečenica se mijenja i glasi: "Do uspostavljanja televizijskog servisa na nivou Bosne i Hercegovine koji će vršiti prijenos na vlastitoj frekvenciji, BHRT će emtirati: "

U istom stavu na kraju alineje b) iza riječi "događaje" dodaju se riječi "kad god je to moguće".

AMANDMAN XVI

U članu 36.: umjesto riječi : "Predstavničko vijeće Parlamenta Bosne i Hercegovine" treba: "Parlamentarna skupština Bosne i Hercegovine."

U istom članu u stavu (4) na kraju tačke d) iza riječi "godinu" dodaje se tekst "izabran iz reda članova postojećeg Upravnog odbora Javnog servisa BiH."

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Halid Genjac

Velimir Jukić

Vinko Radovanović

Ad-9. Prijedlog zakona o osnovama sigurnosti saobraćaja na putevima u BiH (prvo čitanje);

U raspravi je učestvovao Osman Brka.

Dom naroda je većinom glasova u oba čitanja usvojio Prijedlog zakona o osnovama sigurnosti saobraćaja na putevima u BiH sa sljedećim amandmanima:

AMANDMAN I

U članu 1. iza riječi: "u pogledu sigurnosti saobraćaja" dodaju se riječi: " na putevima, vođenje Centralnog registra vozača i vozila".

AMANDMAN II

U članu 2. riječi: "Organi institucija Bosne i Hercegovine, entitetski organi i organi Brčko Distrikta" zamjenjuju se riječima: "Organi Bosne i Hercegovine, entitetski i kantonalni organi, organi Brčko Distrikta i".

AMANDMAN III

U članu 4. iza stava (3). dodaje se novi stav (4)., koji glasi:

«U slučaju pretrpljene štete uslijed neodgovarajućeg održavanja javnih puteva povjerilac se namiruje u skladu sa zakonom o putevima».

AMANDMAN IV

U članu 9. vrše se sljedeće izmjene i dopune:

u stavu 1. tačka 4) mijenja se i glasi : «**laki motocikl** je vozilo na motorni pogon sa dva ili tri točka, čija zapremina motora ne prelazi 125 cm³, a snaga ne prelazi 11 kW»;

u stavu 1 u tački 11, riječi: »je red od tri ili više vozila«, zamjenjuju se riječima: «je niz od najmanje tri vozila (osim bicikla, traktora, radne mašine i zaprežnog vozila»;

- u stavu 1. u tački 14. riječ «istovremeno» briše se i na kraju teksta dodaju riječi: «čija najveća dozvoljena masa ne prelazi 3.500 kg »;

- u stavu 1. u tački 17. riječi: «međunarodni put i» i riječi: «entiteta i Brčko Distrikta» brišu se;

- u stavu 1. u tački 28. riječ «ili» zamjenjuje se riječju «i»;

- u stavu 1. u tački 30) broj «15» zamjenjuje se brojem «5»;

- u stavu 1. u tački 49. riječi: «entiteta i Brčko Distrikta» brišu se;

u stavu 1. u tački 57. riječi: «prijevoz lica» zamjenjuju se riječima: «javni prijevoz putnika»;

u stavu 1 u tački 59, na kraju teksta dodaju se riječi: »i čija snaga motora ne prelazi 15 kW».

- u članu 9. dodaju se nove tačke: 7.a), 9. a), 15.a), 15. b), 19 a), 21.a), 21.b), 30.a), 35.a), 36 a), 38.a), 39.a), 47.a), 49.a) i 63.a), koje glase:

«7.a) «**centralni registar**» je evidencija o svim vozačima i vozilima;

9 a) «**inostrana vozačka dozvola**» je vozačka dozvola i međunarodna vozačka dozvola koju je izdao nadležni organ strane države;

15 a) «**laki tricikl ili četverocikl** « je motorno vozilo sa tri odnosno četiri točka, koje na ravnoj cesti ne može razviti brzinu veću od 45 km/h, čija radna zapremina motora nije veća od 50ccm³ i ako njegova masa nije veća od 350 kg i čija snaga motora ne prelazi 4 kW;

15.b) **licenca** je javna isprava koju je izdao nadležni organ i kojom se dokazuje ispunjavanje propisanih uslova i osposobljenost za obavljanje određenih poslova iz oblasti sigurnosti saobraćaja;

19 a) «**međunarodna vozačka dozvola**» je javna isprava koju izdaje ovlaštena organizacija na osnovi nacionalne vozačke dozvole te države;

21.a) «**motokultivator**» je vozilo na motorni pogon s jednom ili dvije osovine i pogonskim motorom do 12 kW, konstruisano da vuče, potiskuje ili nosi oruđa za razne poljoprivredne radove;

21.b) «**mijenjanje saobraćajne trake**» je prelaženje vozilom iz jedne u drugu saobraćajnu traku za saobraćaj u istom smjeru radi prestrojavanja ili dozvoljenog bržeg kretanja;

- 28.a) “**organ nadležan za**” je organ nadležan za određene poslove utvrđen ustavom i zakonom Bosne i Hercegovine, entiteta, kantona i Distrikta Brčko;
- 30.a) «**pješачka zona**» je uređena saobraćajna površina namijenjena kretanju pješaka u kojoj je dozvoljeno kretanje motornih vozila s posebnim odobrenjem;
- 35.a) “**preglednost**” podrazumijeva prostor koji učesnik u cestovnom saobraćaju može vidjeti s mjesta na kojem se nalazi;
- 36.a) «**saobraćajna dozvola**» je javna isprava koju je izdao nadležni organ i kojom se dokazuju vlasništvo određenog vozila, njegove tehničke i druge osobine i karakteristike;
- 38.a) «**prestrojavanje**» je zauzimanje takvog položaja vozilom na saobraćajnoj traci i na takvoj udaljenosti od raskrsnice ili drugog mjesta na cesti iz kojeg se na siguran način može izvesti naredna dozvoljena radnja vozilom (skretanjem, okretanjem, zaustavljanjem i slično);
- 39.a) «**saobraćajna traka za vozila javnog gradskog prijevoza**» je obilježeni uzdužni dio kolovoza, namijenjen za vozila javnog prijevoza putnika kad su u vozilu putnici;
- 47.a) «**radna mašina**» je vozilo na motorni pogon namijenjeno za izvođenje određenih radova vlastitim uređajima i opremom, koje po konstrukcionim osobinama ne može da razvije brzinu veću od 30 km na sat;
- 49.a) “**u saradnji s nadležnim organom**” znači da je organ koji donosi podzakonski akt obavezan da osigura učešće u izradi ili davanje mišljenja nadležnog organa o podzakonskom aktu;
- 63 a) «**vozačka dozvola**» je javna isprava koju je izdao nadležni državni organ i kojom se dokazuje pravo upravljanja određenom kategorijom ili vrstom vozila.

AMANDMAN V

U članu 9. uvodi se novi podstav 3a) koji glasi:

«3a) «**bicikl sa motorom**» je vozilo na motorni pogon sa dva ili tri točka, čija radna zapremina motora nije veća od 50 ccm³ i koje na ravnoj cesti ne može razviti brzinu veću od 50 km na sat;»

AMANDMAN VI

Iza člana 9. dodaje se novi član 9.a), koji glasi:

«S ciljem povećanja efikasnosti u provođenju ovog zakona i ispunjavanja uslova i obaveza na međunarodnom planu, državne institucije nadležne za vođenje centralnih evidencija uspostaviti će Centralni registar.

Organi koji vode evidencije dužni su da Centralnom registru redovno dostavljaju odgovarajuće podatke.

Odgovarajućim propisom bliže će se urediti vođenje i sadržaj Centralnog registra.»

AMANDMAN VII

U članu 18. u stavu (3). vrše se sljedeće izmjene:

riječi: «kulturno-historijske spomenike, spomen-obilježja i» brišu se,

broj: «7» zamjenjuje se brojem «12» i

broj: «5» zamjenjuje se brojem «10».

AMANDMAN VIII

U članu 20. vrše se sljedeće izmjene i dopune:

u stavu (1). riječi: «Nadležne institucije koje» zamjenjuju se riječima: «Nadležni organi koji»,

u stavu (2). riječi: «Nadležna ministarstva» zamjenjuju se riječima: «Nadležni organi», a iza riječi: «dužna su» dodaju se riječi: «najmanje dva puta godišnje».

AMANDMAN IX

U članu 35. dodaje se novi stav, kao stav 3., koji glasi:

«Zabranjeno je otvaranje vrata na motornom vozilu na kolovozu kada je vozilo u kretanju ili mirovanju i u svim drugim slučajevima kada se može ugroziti sigurnost drugih učesnika u saobraćaju.»

AMANDMAN X

U članu 41. u stavu 2. iza riječi «njega» stavlja se tačka, a riječi koje slijede brišu se.

AMANDMAN XI

U članu 44. vrše se sljedeće izmjene i dopune:

u stavu 2. iza riječi «vozila», u drugom redu, dodaju se riječi: «s ili bez uređaja s grafičkim ispisom brzine, datuma i vremena ili»;

u stavu 3. iza riječi «radaru» stavlja se zarez, a riječi: «koji nemaju zapis» brišu se;

iza stava 3. dodaje se novi stav 4., koji glasi: « U zapisnik koji se sačinjava na licu mjesta navodi se i izjava vozača o tome da li ima primjedbe ili ne na tekst zapisnika.»

AMANDMAN XII

U članu 46. u stavu 2. riječi: «nadležna institucija ili druga institucija koja» zamjenjuju se riječima: «nadležni organ koji».

AMANDMAN XIII

U članu 48. u stavu 1. tačka se zamjenjuje zarezom i dodaju riječi: «osim ako saobraćajnim znakom na cesti nije drugačije određeno».

AMANDMAN XIV

U članu 69. u stavu 2. iza riječi: «dužan je da» dodaju se riječi: « obilježi sigurnosnim trokutom».

AMANDMAN XV

U članu 72. u stavu 1. tački 10. iza riječi «obilježen» dodaju se riječi: «saobraćajnim znakom i».

U istom članu dodaje se nova tačka, koja glasi: «12.a) na kolovozu sa dvije saobraćajne trake gdje se saobraćaj odvija u oba smjera».

AMANDMAN XVI

U članu 78. u stavu 1. riječi: «radnici nadležnog organa» zamjenjuju se riječima: «ovlaštena službena lica».

AMANDMAN XVII

U članu 80. iza stava (3). dodaje se novi stav (4)., koji glasi:

«Izuzetno od odredbe stava (3). ovog člana, vuča drugog motornog vozila autoputem dozvoljeno je ako je razlog za vuču nastao za vrijeme kretanja motornog vozila autoputem, ali samo krajnjom desnom saobraćajnom trakom do prvog priključnog puta kojim se vučeno vozilo može isključiti iz saobraćaja na autoputu.»

AMANDMAN XVIII

U članu 84. u stavu (3). riječ «ručna» zamjenjuje se riječju «pomoćna».

AMANDMAN XIX

U članu 89. u stavu (1). riječi: «svjetla za obilježavanje vozila ili» brišu se.

AMANDMAN XX

U članu 98. dodaje se novi stav (1)., koji glasi:

«Biciklom na kategoriranom putu smije upravljati lice koje je navršilo 12 godina, a biciklom s motorom lice koje je navršilo 14 godina.

AMANDMAN XXI

U členu 98. u stavovima (2), (3), (4), (5) i (6) riječi «lakog motocikla» zamijeniti riječima «bicikla sa motorom».

U členu 98. u stavovima (2) i (4) iza riječi «bicikla sa motorom» dodati riječi «ukoliko je pokretan snagom vozača».

AMANDMAN XXII

U členu 99. iza riječi «vozač bicikla,» dodati riječi «bicikla sa motorom».

AMANDMAN XXIII

U členu 100. iza riječi «vozač bicikla,» dodati riječi «bicikla sa motorom».

AMANDMAN XXIV

U členu 101. iza riječi «vozač» dodati tekst «bicikla, bicikla sa motorom,».

AMANDMAN XXV

U členu 102. dodaje se novi stav, kao stav (3)., koji glasi:

«Lica koja se voze zaprežnim vozilom za vrijeme kretanja vozila ne smiju stajati na vozilu, sjediti na stranicama vozila, sjediti na platou vozila sa strane niti se nalaziti na rudi vozila u pokretu».

AMANDMAN XXVI

U členu 106. u stavu (1). na kraju teksta stavlja se zarez i dodaju riječi: «tako da se kreću jedan iza drugog».

AMANDMAN XXVII

U členu 108. u stavu (2). iza riječi: "pješaci mogu prelaziti kolovoz samo dok" dodaje se riječ "im".

AMANDMAN XXVIII

U členu 115. u stavu (1). iza riječi «pješaci» stavlja se zarez, a veznik «i» briše se.

AMANDMAN XXIX

U členu 117. stav (2). briše se.

AMANDMAN XXX

U členu 124. u stavu (2). iza riječi: « dužni su» dodaju se riječi: «ustupiti prvenstvo prolaza, omogućiti nesmetan prolaz, a po potrebi».

AMANDMAN XXXI

U členu 136. u stavu (1). dodaje se nova tačka, koja glasi:

«3) žuto svjetlo može biti upaljeno kao trepćuće svjetlo kada ne rade ostali svjetlosni signali na raskrsnici.»

AMANDMAN XXXII

Iza člana 142. dodaje se novi podnaslov: «4.a Turistička i ostala signalizacija na cesti» i novi član 142.a, koji glasi:

«Član 142.a

Turistička i ostala signalizacija na cesti namijenjena je obavještavanju učesnika u saobraćaju o kulturnim, historijskim, prirodnim i turističkim znamenitostima, te ostalim objektima i sadržajima.

Bliže propise o turističkoj i ostaloj signalizaciji na putevima donosi ministar, u saradnji s nadležnim organom.»

AMANDMAN XXXIII

U členu 144. u stavu 82). iza riječi «se» dodaje se riječ «posebnim».

AMANDMAN XXXIV

U členu 156. stav 2. mijenja se i glasi:

«Vozač učesnik u saobraćajnoj nesreći obavezan je da prijavi i saobraćajnu nesreću s manjom materijalnom štetom, ukoliko je šteta nastala drugom licu odnosno njegovom vozilu ili na drugoj stvari.»

U istom členu u stavu 3. na kraju se dodaje rečenica koja glasi: «Vozači ne smiju napustiti mjesto saobraćajne nesreće prije nego što popune i potpišu izvještaj i razmijene podatke iz ovog stava».

AMANDMAN XXXV

U členu 156. u stavu 1. iza riječi: «veća materijalna šteta» dodaju se riječi: «izvršiti fotografiranje mjesta nesreće».

U istom členu iza stava 3. dodaje se novi stav 4., koji glasi:

«Ukoliko je u saobraćajnoj nesreći učestvovalo vozilo strane registarske oznake, prije izdavanja potvrde o oštećenju vozila strane registracije ili potvrde o izvršenom uviđaju na mjestu događaja saobraćajne nesreće, obavezno je: izvršiti fotografiranje štete na vozilu stranih registarskih oznaka, sačiniti zapisnik u kome se, između ostalog, uzimaju podaci iz pasoša, vozačke dozvole i osiguranja od automobilske odgovornosti – zelena karta.»

AMANDMAN XXXVI

U členu 168. u stavu 1. riječi: «Nadležni ministar unutrašnjih poslova, u saglasnosti s nadležnim ministrom prometa» zamjenjuju se riječima: «Organ nadležan za unutrašnje poslove, u saglasnosti s organom nadležnim za promet».

AMANDMAN XXXVII

U členu 170. u st. 1. riječ «samostalno» briše se.

AMANDMAN XXXVIII

U členu 171. iza riječi: «opojnih droga» dodaju se riječi: «ili drugih opojnih sredstava».

AMANDMAN XXXIX

U členu 172. vrše se sljedeće izmjene i dopune:

- U stavu 2. riječ: "sadržina", zamjenjuje se riječju "količina" u različitim padežima, a na kraju teksta riječi: "alkoholne poremećenosti", zamjenjuju se riječima: "poremećenosti izazvane djelovanjem alkohola"

- U stavu 3. riječi: «Ne smije uzimati alkoholna pića, niti početi upravljanje vozilom ako u organizmu ima alkohola ili ako pokazuje znake poremećenosti izazvane djelovanjem alkohola:» zamjenjuju se riječima: „Smatra se da su pod djelovanjem alkohola lica za koje se analizom krvi ili krvi i urina ili drugom metodom mjerenja količine alkohola u organizmu utvrdi da količina alkohola u krvi iznosi više od 0,0 g/kg, ili ako je prisustvo alkohola u organizmu utvrđeno odgovarajućim sredstvima ili aparatima za mjerenje alkoholiziranosti, što odgovara količinama većim od 0,0 g/kg, ili kod kojih se, bez obzira na količinu alkohola u krvi, stručnim pregledom utvrdi da pokazuju znake poremećenosti izazvane djelovanjem alkohola:“.

AMANDMAN XL

U členu 174. vrše se sljedeće izmjene i dopune:

stav 1. mijenja se i glasi: «Osposobljavanje kandidata za vozače motornih vozila je djelatnost od posebnog društvenog značaja, a obavlja se po posebnom programu koji obuhvata teoretski dio, praktični dio i program prve pomoći.»

iza tačke 2. dodaje se nova tačka 3., koja glasi:

«Program prve pomoći obuhvata:
 ciljeve, zadatke i značaj prve pomoći;
 postupak radnji pri pružanju prve pomoći (mjere oživljavanja, prestanak disanja i rad srca, besvjesno stanje, krvarenje, otvorene povrede – rane);
 povrede koje zahtijevaju imobilizaciju i evakuaciju povrijeđenog;
 ostale povrede i oštećenja;
 značaj zdravstvene sposobnosti za sigurno upravljanje motornim vozilom.»

AMANDMAN XLI

U članu 175. vrše se sljedeće izmjene:

u stavu 1. riječi: «donose ministri entiteta i ministar Brčko Distrikta Bosne i Hercegovine, nadležni za obrazovanje i unutrašnje poslove» zamjenjuju se riječima: „donosi ministar, u saradnji s organima nadležnim za obrazovanje»,
 u stavu 4. riječi: «ministarstva entiteta i ministarstvo Brčko Distrikta Bosne i Hercegovine, nadležna za unutrašnje poslove i obrazovanje» zamjenjuju se riječima: «organi nadležni za obrazovanje i unutrašnje poslove».

AMANDMAN XLII

U članu 176. vrše se sljedeće izmjene i dopune:

u stavu 4. riječ “vrši“ briše se;
 stav 6. mijenja se i glasi: „Bliže odredbe o organiziranju obuke za osposobljavanje kandidata pravilnikom propisuje ministar, u saradnji s organom nadležnim za obrazovanje, odnosno bliže odredbe o pružanju prve pomoći licima povrijeđenim u saobraćanoj nesreći pravilnikom propisuje ministar, u saradnji s organom nadležnim za zdravstvo.“

AMANDMAN XLIII

Iza člana 176. dodaje se novi podnaslov koji glasi: «3. Vozački ispit i provjera osposobljenosti».

AMANDMAN XLIV

U članu 179. stav 1. tačka 1) riječi: «metodike obuke i praktičnog dijela za vozača-instruktor» zamjenjuju se riječima: «oblasti poznavanja saobraćajnih pravila i propisa, metodike upravljanja motornim vozilom i praktičnog upravljanja motornim vozilom za vozača-instruktor» i brišu se riječi: «unutrašnjih poslova», a tačka 2) mijenja se i glasi: «2) završenim V ili VI stepenom i položenim ispitom za vozača-instruktor, ili sa najmanje završenom srednjom školom i položenim ispitom za vozača-instruktor».

AMANDMAN XLV

U članu 181. u stavu 2. iza riječi: "bijelom bojom napisano" dodati riječ "latinično".

AMANDMAN XLVI

U članu 182. stav 2. tač. 2. i 3. mijenjaju se i glase:

- « 2. 18 godina za kategorije A, B, BE i podkategorije C1 i C1E;
- 3. kategorije C i CE, pod uslovom da je upravljalo motornim vozilom podkategorije C1 ili C1E najmanje jednu godinu;
- 4. kategorije D i DE i podkategorija D1 i D1E, pod uslovom da je upravljalo motornim vozilom kategorije C ili CE najmanje dvije godine.»

AMANDMAN XLVII

U členu 183. u stavu 3. iza riječi «prikolice» stavlja se zarez i dodaju riječi: «čija zapremina motora prelazi 125 cm³, a snaga prelazi 11 kW», u stavu 6. broj «3.500» zamjenjuje se brojem «7.500».

AMANDMAN XLVIII

U členu 184. stav 2. riječi: «entiteta i Brčko Distrikta Bosne i Hercegovine» brišu se.

AMANDMAN XLIX

U členu 184. u stavu 7 riječ «moped», zamjenjuje se rječima: «laki motocikl», a u stavu 8. iza riječi «člana» dodaju se riječi: «mlađe od 23 godine».

AMANDMAN L

U členu 186. u stavu 2. riječi: «ovjeren prijevod strane vozačke dozvole na jednom od službenih jezika Bosne i Hercegovine» zamjenjuju se rječima: «domaću vozačku dozvolu izdatu u skladu s Bečkom konvencijom o cestovnom prijevozu».

AMANDMAN LI

U členu 187. stav 1. briše se.

AMANDMAN LII

U členu 191. vrše se sljedeće izmjene i dopune:

u stavu 1. na kraju teksta tačka se zamjenjuje zarezom i dodaju riječi: «i na osnovu toga dobije ljekarsko uvjerenje.»,

u stavu 2. istog člana broj «šest» zamjenjuje se brojem «12».

AMANDMAN LIII

U členu 196. iza riječi: « u saradnji sa» brišu se riječi: «ministrima entiteta i ministrom Brčko Distrikta Bosne i Hercegovine nadležnim» i dodaju riječi: «organom nadležnim za zdravstvo».

AMANDMAN LIV

U členu 200. u stavu 2. iza riječi: «u saradnji sa» brišu se riječi: «entitetskim ministrima i ministrom Brčko Distrikta Bosne i Hercegovine nadležnim za promet i unutrašnje poslove» i zamjenjuju riječima: «organima nadležnim za zdravstvo i unutrašnje poslove».

AMANDMAN LV

U členu 203. riječi: «donose ministri entiteta i ministar Brčko Distrikta Bosne i Hercegovine nadležni za poslove energetike i industrije» zamjenjuju se rječima: «organom nadležnim za poslove energetike i industrije».

AMANDMAN LVI

Iza člana 204. broj «5» u podnaslovu zamjenjuje se brojem «2».

AMANDMAN LVII

U členu 209. u stavu 1. iza riječi «registraciji» brišu se riječi: «ili privremenu potvrdu o registraciji», a iza riječi: «izdatu za to vozilo» dodaju se riječi: «kao i policu obaveznog osiguranja, a motorna i priključna vozila registrirana u stranoj zemlji i međunarodnu ispravu o osiguranju od automobilske odgovornosti koja važi na oblasti BiH».

AMANDMAN LVIII

U **članu 211.** iza stava 1. dodaje se novi stav 2., koji glasi: «Učešće vozila međunarodnih oružanih snaga stacioniranih u BiH u saobraćaju na putevima u BiH regulisat će se posebnim međunarodnim ugovorom».

AMANDMAN LIX

U **članu 213.** u stavu 2. riječ «privremenoj» briše se.

AMANDMAN LX

Član 214 mijenja se i glasi :

«Registraciju motornih vozila i priključnih vozila, te izdavanje registarskih tablica vrše organi nadležni za unutrašnje poslove.

Odredbe stava 1. ovog člana odnose se na vlasnike vozila koji imaju prebivalište ili sjedište, a raseljena lica boravište na teritoriji Bosne i Hercegovine.»

AMANDMAN LXI

U **Članu 223.**

u stavu 2. umjesto riječi: « određuje se od jedan do tri», stavljaju se riječi: « je jedan i dva»;
 u stavu 5. umjesto riječi: «dvije godine», stavljaju se riječi «jedna godina», i umjesto riječi: «pet», stavlja se riječ «deset»;
 u stavu 8. umjesto riječi: «dvije godine», stavljaju se riječi «jedne godine»; umjesto riječi: «sedam», stavlja se riječ «petnaest»; umjesto riječi: «90 dana», staviti riječ «30 dana»;
 u stavu 10. umjesto riječi: «četiri godine», staviti riječi «dvije godine», umjesto riječi: «sedam», staviti riječ «petnaest», umjesto riječi: «180 dana», staviti riječ «60 dana».

AMANDMAN LXII

U **članu 224.** stav 2. riječi: «od dana prve provjere» zamjenjuju se riječima: «od dana prethodne provjere».

AMANDMAN LXIII

U **članu 224.**

u stavu 3. riječ: «šest», mijenja se u riječ «dva»;
 u stavu 4. umjesto riječi: «24», staviti riječ «12», a dio stava od riječi: «svi određeni kazneni bodovi...», do kraja rečenice, se briše.

AMANDMAN LXIV

U **članu 226.** dodaje se novi stav, kao stav 3., koji glasi:

«Vozač odnosno vlasnik vozila isključenog iz saobraćaja odgovoran je za čuvanje vozila od krađe ili drugih nezakonitih radnji prema vozilu.»

AMANDMAN LXV

U **članu 230.** vrše se sljedeće izmjene:

u stavu 1. broj: «6.000» zamjenjuje se brojevima: «od 2.000 do 10.000», broj «3.000» zamjenjuje se brojevima: «od 1.000 do 5.000», a iza riječi: «fizičko lice» dodaju se riječi; «koje samostalno obavlja djelatnost»;
 u stavu 1. ispred tačke 1) dodaje se nova tačka 1), koja glasi: «ako ne održavaju javne puteve za siguran i nesmetan saobraćaj ili ne organiziraju i trajno kontrolišu stanje i održavanje javnih puteva, objekata, saobraćajne signalizacije i opreme na putevima (član 4.)»;
 u stavu 1. iza tačke 1) dodaje se nova tačka 1.a), koja glasi: «ako ne uspostavi Centralni registar i ako redovno ne dostavlja odgovarajuće podatke Centralnom registru (član 9.a);
 - u stavu 2. broj: «1.000» zamjenjuje se brojevima «od 500 do 1.000».

AMANDMAN LXVI

U členu 231. vrše se sljedeće izmjene:

u stavu 1. iza tačke 1) dodaje se nova tačka 1.a), koja glasi: «ako ne projektuje, izgrađuje, oprema i održava puteve tako da odgovaraju svojoj namjeni i sigurnosti saobraćaja (član 10. stav 1.), a ostale tačke mijenjaju se tako da tačka 1. postaje tačka 2.;

AMANDMAN LXVII

U členu 231.

u stavu 2. riječi: « od 600», mijenjeju se i glase:»od 100,00 KM do 300,00 KM»;

u stavu 3. riječi: «od 600», mijenjaju se i glase:» od 100,00 KM do 300,00 KM»

u stavu 4. riječi:» od 2.000», se mijenjaju i glase:» od 500,00 KM do 1.500,00 KM».

AMANDMAN LXVIII

U členu 232. vrše se sljedeće izmjene:

- iza tačke 1. dodaju se nove tačke: 1.a), 1.b), 1.c) i 1.d), koje glase:

«1.a) ako ne postupi u skladu sa članom 19.»;

1.b) ako ne poduzima praktične mjere radi otklanjanja određenih nedostataka na cesti, zbog kojih je cesta uzrok saobraćajnih nesreća (član 20. stav 1.);

1.c) ako ne postupi u skladu sa članom 21.;

1.d) ako ne postupi u skladu sa članom 22.»

iza tačke 21. dodaje se nova tačka 21.a), koja glasi: «21.a) ako vrši tehnički pregled suprotno odredbama člana 215.»

AMANDMAN LXIX

U členu 232.

u stavu 2. riječi:»od 1.500,00 KM», mijenjaju se i glase:» od 500,00 KM do 1.000,00 KM»,

u stavu 3. riječi:» od 600,00 KM», mijenjaju se i glase:» od 100,00 KM do 300,00 KM»

u stavu 4. riječi:» od 600,00 KM», mijenjaju se i glase:» od 100,00 KM do 300,00 KM».

AMANDMAN LXX

U členu 233. vrše se sljedeće izmjene:

u stavu 1. u tački 26. riječi: «suprotno odredbama člana 172.» zamjenjuju se riječima: « kod kojeg se utvrdi količina alkohola u krvi preko 1g/kg (član 172. stav 2.);

iza tačke 29) dodaje se nova tačka 29.a), koja glasi: «vozač koji učestvuje u saobraćaju s neregistriranim vozilom (član 205.)»;

u stavu 3. broj «1.200» zamjenjuje se brojevima: «od 800 do 1.600».

AMANDMAN LXXI

U členu 233.

u stavu 1. riječi:» 200,00 KM do 700,00 KM», se mijenjaju i glase:» 100,00 Km do 300,00 KM»;

u stavu 2. riječi:» od tri mjeseca do jedne godine», se mijenjaju i glase:» od jedan mjesec do četiri mjeseca»;

u stavu 3. riječi:» neposredna opasnost za drugog učesnika u saobraćaju, ili prouzrokovana» se brišu, a riječi:» od 1200,00 KM», se mijenjaju i glase «od 300,00 KM do 1.000,00 KM», a riječ «od tri mjeseca do jedne godine»,se mijenjaju i glase:» od jednog mjeseca do šest mjeseci»;

u stavu 4. umjesto riječi:» tri kaznena», stavljaju se riječi:»dva kaznena», a umjesto riječi:» dva kaznena», se stavljaju riječi: »jedan kazneni».

AMANDMAN LXXII

U členu 234. vrše se sljedeće izmjene:

u stavu 1. tačka 7. mijenja se i glasi: «vozač koji postupi suprotno členu 39.»;

u stavu 1. iza tačke 24. dodaju se nove tačke 24.a) i 24.b), koje glase:

« 24.a) ako ne postupi prema odredbama člana 156. st. 2. i 3.,

24.b) vozač koji upravlja ili počne da upravlja vozilom u saobraćaju na cesti ili vozač-instruktor dok osposobljava kandidata za vozača u praktičnom upravljanju vozilom, kod kojeg se utvrdi količina alkohola u krvi više od 0,3 g/ kg do 1g/kg (član 172. stav 2.)».

AMANDMAN LXXIII

U členu 234.

u stavu 1. umjesto riječi:»od 150,00 KM do 500,00 KM« se stavljaju riječi:» od 50,00 do 250,00 KM»,

u stavu 2. riječi:» od 400,00 KM», se mijenjaju i glase:» od 100,00 do 300,00 KM», a umjesto riječi:» dva kaznena boda», se stavljaju i riječi:» jedan ili dva kaznena boda», a umjesto riječi:»od 30 dana do šest mjeseci», riječi:» do dva mjeseca»;

u stavu 3. riječi:» dva kaznena», se mijenjaju i glase:»jedan ili dva kaznena».

AMANDMAN LXXIV

U členu 235.

u stavu 1. riječi:»od 100,00 KM» se mijenjaju i glase:»od 50,00 KM»;

u stavu 2. riječi:» neposredna opasnost za drugog učesnika u saobraćaju ili prouzrokovana» se brišu, a riječi: «od 300,00 KM» mijenjaju se i glase: «od 50,00 KM do 200,00 KM», a riječi «dva kaznena» se mijenjaju i glase: »jedan ili dva kaznena»,

u stavu 3. riječi:

«neposredna opasnost za drugog učesnika u saobraćaju ili prouzrokovana» se brišu, a riječi: «od 30 dana do tri mjeseca» se mijenjaju i glase: «do dva mjeseca».

AMANDMAN LXXV

U členu 236. u stavu 1. vrše se sljedeće izmjene:

iza tačke 15. dodaje se nova tačka 15.a), koja glasi: «15.a) vozač motornog vozila koji pri vučenju drugog motornog vozila postupi suprotno členu 80. stav 4.»;

tačka 32. briše se.

AMANDMAN LXXVI

U členu 236. u stavu 1. dodati tačku 22a) koja glasi:

«22a) vozači bicikla i bicikla sa motorom i lica koja se prevoze tim vozilom ako u saobraćaju na putu ne nose odgovarajuću zaštitnu kacigu za vrijeme vožnje (član 101.)».

U členu 236. u stavu 1. u takćama 20), 21) i 22) iza riječi «bicikla» staviti zarez i dodati riječi «bicikla sa motorom».

AMANDMAN LXXVII

U členu 236. u stavu 1. riječi:

«od 50,00 KM» se mijenjaju i glase: «20,00 KM».

U stavu 2. riječi:

«neposredna opasnost za drugog učesnika u saobraćaju, ili prouzrokovana..» se brišu, a riječi: «od 300 KM» se mijenjaju i glase: «od 50,00 KM do 200,00 KM».

U stavu 3. riječi:

«neposredna opasnost za drugog učesnika u saobraćaju, ili prouzrokovana..» se brišu, a riječi: «od 30 dana do tri mjeseca» se mijenjaju i glase: «do dva mjeseca».

AMANDMAN LXXVIII

U članu 237. vrše se sljedeće izmjene:

u stavu 1. u tački 22. riječi: «svjetla za obilježavanje vozila ili» brišu se;

u stavu 1. u tački 25. riječi: «prilikom skretanja vozilom na bočnu cestu na čijem ulazu ne postoji obilježen pješački prijelaz» brišu se.

AMANDMAN LXXIX

U članu 237. u stavu 1. riječi:

«30,00 KM» se mijenjaju i glasi: «10,00 KM».

u stavu 2. riječi:

«neposredna opasnost za drugog učesnika u saobraćaju, ili prouzrokovana» se brišu, a riječi: «od 200 KM» se mijenjaju i glasi: «50,00 KM do 150,00 KM»

u stavu 3. riječi:

«neposredna opasnost za drugog učesnika u saobraćaju, ili prouzrokovana» se brišu a riječi: «od 30 dana do dva mjeseca» se mijenjaju i glasi: «do dva mjeseca».

AMANDMAN LXXX

Iza člana 237. dodaje se novi član 237 a), koji glasi:

“Svi prihodi nastali primjenom ovog zakona pripadaju nadležnim organima, u skladu sa članom 2. ovog zakona”.

AMANDMAN LXXXI

U članu 238. iza riječi «vrše» dodaje se riječ «nadležni», iza riječi «organi» stavlja se tačka, a riječi: «nadležni prema zakonu entiteta i Brčko Distrikta Bosne i Hercegovine, osim ako ovim zakonom nije neposredno propisana nadležnost» brišu se.

AMANDMAN LXXXII

U članu 239. iza riječi «kazne» dodaju se riječi: «u iznosu do 50,00 KM na licu mjesta», a riječ «ili» zamjenjuje se riječju «odnosno».

AMANDMAN LXXXIII

U članu 243. u stavu 1. broj: ”228”, zamjenjuje se brojem: “233”.

AMANDMAN LXXXIV

U članu 243.

- u stavu 1. riječi:

«od jedne ni duži od dvije godine» se mijenjaju i glase: «od šest mjeseci do jedne godine».

AMANDMAN LXXXV

Iza člana 247. dodaje se novo poglavlje - XI.a VIJEĆE ZA SIGURNOST PROMETA - i novi član 247.a, koji glasi:

«Član 247.a

Radi unapređenja saobraćajno-obrazovnog rada, saobraćajne kulture i koordiniranja svih subjekata koji svojim djelovanjem mogu doprinijeti većoj sigurnosti saobraćaja osniva se Vijeće za sigurnost prometa (u daljnjem tekstu: Vijeće).

Sredstava za rad Vijeća osiguravaju se iz sredstava budžeta institucija Bosne i Hercegovine i međunarodnih obaveza Bosne i Hercegovine.

Članovi Vijeća imenuju se iz reda stručnjaka za oblast saobraćaja na putevima, nadležnih ministarstava i institucija koje upravljaju putevima.

Broj članova, način imenovanja predsjednika i članova Vijeća, kao i djelokrug rada uredit će se pravilnikom koji donosi ministar, uz saglasnost Vijeća ministara BiH.»

AMANDMAN LXXXVI

U **članu 248.** uvod stava 1. mijenja se i glasi: «Ovlašćuje se ministar da sam ili u saradnji s odgovarajućim nadležnim organom donese bliže propise o:». U istom stavu iza tačke 5. dodaje se nova tačka: «5.a o turističkoj i ostaloj signalizaciji na cesti (član 142.a)» i iza tačke 8. dodaje se nova tačka: «8.a o organiziranju obuke za osposobljavanje pružanja prve pomoći (član 176)».

AMANDMAN LXXXVII

Članovi 251. i 253. brišu se.

AMANDMAN LXXXVIII

U **članu 252.** u st. 1. i 2. riječi: «Entiteti i Brčko Distrikt Bosne i Hercegovine» zamjenjuju se riječima: «Nadležni organi».

AMANDMAN LXXXIX

U **članu 254.** stav 1. mijenja se i glasi: «Ovaj zakon stupa na snagu osam dana od dana objavljivanja u 'Službenom glasniku BiH', a primjenjivat će se nakon šest mjeseci od dana stupanja na snagu».

AMANDMAN XC

U **članovima: 175.** stav 3., **177.** stav 1., **185.** stav 3., **192., 196., 203., 217., 227., 239., 241., 243. i 248.** iza riječi "entitetski" dodaje se riječ "kantonalni" u odgovarajućim padežima.

AMANDMAN XCI

U **članovima: 6., 151., 156., 168., 184. stav 10., 190., 200., 201., 213., 217. i 229.** iza riječi: «u saradnji sa» brišu se riječi: «entitetskim ministrima i ministrom Brčko Distrikta Bosne i Hercegovine nadležnim za promet i unutrašnje poslove» i dodaju riječi: «organom nadležnim za unutrašnje poslove».

AMANDMAN XCII

U **članovima: 10., 12., 28. i 46.** riječi: «entitetskim ministrima i ministrom Brčko Distrikta Bosne i Hercegovine nadležnim za promet» zamjenjuju se riječima: «nadležnim organom».

AMANDMAN XCIII

U **članovima: 175.** stav 1., **177.** stav 4., **179.** stav 2. i **181.** stav 3. riječi: «donose ministri entiteta i ministar Brčko Distrikta Bosne i Hercegovine nadležni za obrazovanje» zamjenjuju se, u odgovarajućim padežima, riječima: «donosi ministar, u saradnji s organom nadležnim za obrazovanje».

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Hilmo Neimarlija

Velimir Jukić

Ruža Stojanović

Ad-10. Prijedlog zakona o dopunama Izbornog zakona BiH (prvo čitanje);

Rasprava o ovoj tački dnevnog reda nije vođena.

Dom naroda je u oba čitanja usvojio Prijedlog zakona o dopunama Izbornog zakona BiH u identičnom tekstu kao i na Predstavničkom domu.

Ad-11. Prijedlog odluke o izmjenama i dopunama Odluke o utvrđivanju kompleksa zgrada i zemljišta za smještaj institucija BiH, o njihovom statusu, uslovima i načinu korištenja;

U raspravi je učestvovala Ruža Stojanović.

Dom naroda je u predloženom tekstu usvojio Odluku o utvrđivanju kompleksa zgrada i zemljišta za smještaj institucija BiH, o njihovom statusu, uslovima i načinu korištenja.

Ad-12. – 16. Davanje saglasnosti za ratifikaciju sporazuma

Dom naroda jednoglasno je dao saglasnost za ratifikaciju:

- Sporazuma o saradnji u oblasti odbrane između Vijeća ministara Bosne i Hercegovine i Vijeća ministara Srbije i Crne Gore;
- Sporazuma između Bosne i Hercegovine i Republike Bjelorusije o unapređenju i zaštiti investicija;
- Trgovinskog sporazuma Bosne i Hercegovine i Republike Bjelorusije;
- Sporazuma između Bosne i Hercegovine i Kraljevine Španije o recipročnom ukidanju viza za nosioce diplomatskih i službenih pasoša;
- Sporazuma o grantu zakladnog fonda (Projekat zaštite kvaliteta vode) između Bosne i Hercegovine i Međunarodne banke za obnovu i razvoj.

Sjednica je završena u 13, 10 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk